



Broj protokola: 02/2024

Fondacija Adriatic objavljuje

**KONKURS**  
**za dodjelu 10 stipendija redovnim studentima prvog i drugog ciklusa studija s prebivalištem na području općina Vareš, Breza i Kakanj za akademsku 2023/2024. godinu.**

Po odluci Upravnog odbora Fondacije Adriatic raspisuje se javni poziv za dodjelu 10 stipendija u iznosu od 100,00 KM mjesečno za akademsku 2023/2024. godinu.

Pravo učešća na konkursu imaju kandidati koji ispunjavaju sljedeće uslove:

- da imaju prebivalište na području općine koja je navedena u konkursu,
- da su državljani BiH,
- da su redovni studenti prvog ciklusa studija na visokoškolskim ustanovama na teritoriji BiH ili se prvi put upisuju na prvi ciklus studija,
- da nisu obnavljali nijednu godinu tokom studija ili da se prvi put upisuju na godinu studija za koju traže stipendiju,
- da je student ostvario minimalni prosjek 9.0 u prethodnoj akademskoj godini, odnosno 4.5 u srednjoj školi ako se prvi put upisuje na prvi ciklus studija,
- da ne primaju stipendiju iz drugih izvora stipendiranja (od druge institucije, pravnog ili fizičkog lica),
- da ukupna primanja domaćinstva ne prelaze prosječnu platu u FBiH na dan objave konkursa.

Izbor za dodjelu stipendija vrši se na osnovu sljedećih kriterija:

- uspjeh na fakultetu (ili u srednjoj školi),
- učešće na takmičenjima ili sličnim događajima, državnim i/ili međunarodnim, sa značajnim sportskim, naučnim i umjetničkim rezultatima,
- spisak projekata na kojima je student radio fakultativno,
- socijalni status studenta.

Uz prijavu na konkurs potrebno je dostaviti sljedeću dokumentaciju:

- prijava prebivališta (ne starija od 1 mjesec),
- uvjerenje da je kandidat prvi put upisao odgovarajuću godinu studija u statusu redovnog studenta (obavezno navesti ciklus studija i semestar),
- za studente prve godine prvog ciklusa studija, svjedodžbe I-IV razreda srednje škole,
- za studente druge i viših godina prvog ciklusa studija, uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući ispite položene u akademskoj 2022/2023. godini,



- za studente drugog ciklusa studija, uvjerenje visokoškolske ustanove o svim položenim ispitima tokom cjelokupnog prethodnog studija s izvedenom prosječnom ocjenom, uključujući i ispite položene u akademskoj 2022/2023. godini (kao dokaz o položenim ispitima u prvom ciklusu studija moguće je dostaviti dodatak diplomi, ukoliko postoji izvedena prosječna ocjena),
- izjava o zajedničkom domaćinstvu - kućna lista (ovjerena od strane općine, ne starija od 6 mjeseci),
- ovjerena izjava studenta da ne prima stipendiju od drugog privatnog ili državnog stipenditora,
- uvjerenje o nezaposlenosti za svakog punoljetnog člana domaćinstva i potvrda o prihodima za svakog punoljetnog člana domaćinstva,
- dokaz o ostvarenim značajnim sportskim, naučnim i umjetničkim rezultatima,
- dokaz o učešću na takmičenjima ili sličnim događajima, državnim i/ili međunarodnim takmičenjima.

Dobitnici stipendija će biti obaviješteni putem e-maila i/ili telefona.

Konkurs ostaje otvoren 15 dana od dana objavljivanja.

Prijave na konkurs sa potrebnom dokumentacijom dostaviti na adresu Fondacije Adriatic, Zvijezda 37, 71 330 Vareš ili na email adresu [info@adriaticfoundation.ba](mailto:info@adriaticfoundation.ba) s naznakom "Prijava na konkurs za dodjelu stipendija Fondacije Adriatic".

Neblagovremene i nepotpune prijave neće biti razmatrane.

Dostavljena dokumentacija se ne vraća.

Vareš, 10.01.2024. godine

**Fondacija Adriatic**

